

第一名

王品渝

濛沙煙

得獎感言

我總是在霧裡尋找聲音——尋找歷史記憶裡未散的低語、尋找死刑辯論裡被衡量的生命，也尋找為愛站出來的人群、也尋找山海的風如何穿過傷口。

這些尋找讓我一次次回到書寫，母語於我，是最貼近土地的聲息，在這片土地上仍有許多未解的提問，而這些議題並不分離，它們在時間的流動底下匯成一條暗河，而母語是我潛入河水的方式。

身為臺灣人，願我們能在每一次霧起霧落之間，慢慢長出更寬廣的胸襟，慢慢學會直視過去，也彼此照亮和傾聽，並在理解之中，更靠近彼此。

最後，我也寫一些歌，希望大家也可以去聽我的音樂（笑）。



濛沙煙

起濛沙煙个暗夜
佢講毋記得該日个事情
警察講佢記得
檢察官講佢記得
新聞跑馬燈講佢記得
淨仲係自家不再確定
麼个係真實
麼个係分人寫好个劇本

濛沙煙裡肚
人影看起來像共一隻形投
這儕、該儕、分佢擇著一儕
審訊室个燈火
一下仔光、一下仔暗
翕熱个間房
打火機个火光
長纜纜个索仔
供詞盡尾淨十分鐘
十年人生
無一儕人問過

標題朝脣五點就寫好了
留言區个審判
比法官个落槌聲較大
鍵盤聲緊走緊遽



緊走緊遠

濛沙煙——寡寡散

天光愛開無開

影仔企在壁角

鐵門拍合个聲

寫偈生命个稿

字粒粒都係裂縫

貧窮个筆、無人个教室

法院个門口冷草緊發

濛沙煙——起來又落去

煙深深，光微微

遮著正式个名

濛沙煙——慢慢仔大

煙散散，霧闊闊

遮著公義个形

真相浮沫沫

天盲光，名先畀抹忒

風拈轉偈个故事

「刷忒一儕惡人，世界就會恬靜。」

摻盡尾一隻字

吹到社會个暗角

向濛沙煙肚行落去

大地底下有人噉咗

像走音个歌曲，無人聽著



霧濛濛——落過田坎
定定仔行過無人个窗門
恬恬仔讀俚个出身
濛沙煙，濛沙煙……

